



**Praxis Et Brevis Declaratio Viæ Spiritvalis**

**Palma, Luis de la**

**Antverpiae, 1634**

Qvintvs Dies.

---

[urn:nbn:de:hbz:466:1-60472](#)

## QVINTVS DIES.

*De Exercitijs secundæ Septimanæ.*

**I**N secundâ Septimanâ, sicut iam diximus, non tantum sunt Meditatio-nes de vitâ Christi Domini nostri , sed etiam Exercitia pro bonâ electione faciendâ . Electionem autem bonam & sanam vocamus, benè de rebus nostris deliberare , non per fines aliquos obli- quos aut ex inordinatis passionibus prouenientes , sed propter solum & purum Dei obsequium; & negotia no-stra concludere propter fines & motiu- tam sublimia & spiritualia. Et hic est pretiosus ille vitæ spiritualis fructus, & finis huius Libri Exercitiorum , vt ex eius titulo apparet , & ex primâ Anno- tatione ; & ad quem se disponere inci- pit is qui Exercitia aggreditur in prin- cipio & fundamento.

Materia electionis semper sit opor- tet de rebus bonis , inter quas , vel ra-

I 5 tione

tione ipsarum rerum , vel ratione circumstantiarum temporis , aut loci aut personarum , nobis non constat , quæ illarum sit melior ; vnde nascitur ratio deliberandi atque eligendi : quia quando alterum eorum quæ facienda occurunt , est manifestè malum ; vel quando vtrumque est bonum quidem , sed alterum , omnibus consideratis circumstantiis , euidenter est melius (exempli causâ , sæpè contingit ut per nostram fragilitatem renuamus sequi id quod bonum est , aut etiam melius) tūm piis aliquibus Exercitiis & Meditationibus iuuandi sumus . Verū in tali casu nullus deliberationi aut electioni locus relinquitur : quia cùm de meliori securi sumus , tempus est illud potius executioni mandandi quàm consultandi .

Materia electionis primò est status vitæ pro iis qui eum non habent , pro iis verò qui iam in statu bono sunt , res omnes particulares ad eum spectantes in ordine ad reformationem , vel ut quis

quis se in eo perficiat ; qualia sunt : An acceptandum sit hoc officium, aut beneficium. An tot debeat habere famulos, plures aut pauciores. An tales vel tales sumptus facere debeat. An tantam eleemosynam facere debeat , & cui, & quomodo. Et his similia. Et in particulari , loquendo de nobis qui in Religione viuimus , Superiores magnam materiam electionis habent in omnibus rebus quæ ipsorum dispositioni & arbitrio subiacent, idque præcipuè in iis quæ pro consultatione aliis proponi non possunt , & per Orationem resolui debent, argumenta pro & contra in Dei præsentia ponderando , seque adiuuando per Exercitia & modos electionis.

Subditi etiam magnam in rebus suis, quæ ipsorum maximè discretioni relinquuntur , per eadem Exercitia inuenient lucem , verbi gratiâ ad resoluendum , num Superiori quidquam proponendum vel non proponendum sit circa id quod eis imperatum est; ad quod,

quod, iuxta Regulam, Oratio præmitti debet. Idem facere debent in aliis rebus particularibus, quale est circa tempus & modum Exercitiorum spirituallium, circa occupationes tam domesticas quam ministeria cum proximo, in quibus ab obedientiâ ita non determinantur, quin circa eorum executionem non aliqua eorum relinquuntur arbitrio. Item hac electione vtendum, vt quis felicitat materiam examinis particularis, & media conuenientia vel ad defectus emendandos, vel ad virtutes acquirendas. Tandem, profectus eò maior erit, quò maiori maturitate sanioreque electione in suis rebus processerit, quoque minus se in absurdâ à suo sensu, vel ab occasione aut suarum inclinationum torrente, abripi finat.

Rectus harum electionum usus multis obnoxius est difficultatibus.

Primò, Ut quis benè intelligat ac ponderet circumstantias negotiorum particularium, & quæ ex iis oriri possunt

sunt commoda & incommoda , & be-  
nè perspectam habeat propriam dispo-  
sitionem, sciatque quâ vel passione aut  
spiritu ad aliquid feratur, necessaria est  
magna lux & capacitas ex parte intel-  
lectus.

Secundò , Non minùs difficile est,  
eam,quæ ex parte voluntatis necessaria  
est, consequi dispositionem, quæ debet  
esse vera & perfecta ad omnes res in-  
differentia , quantum in me est ; quin  
potiùs propensio aliqua ad ea quæ ap-  
petitui contraria sunt , & maior pau-  
pertatis , ignominiæ & crucis Christi  
Domini nostri amor , ne me aliter sen-  
tientem creaturarum amor excæcet ;  
& vt liberiùs possim considerare ra-  
tiones pro & contra , & faciliùs sinam  
me duci iis quæ ad maiorem Dei Do-  
mini gloriam , eiusque sanctum obse-  
quium,futura iudicabuntur.

Tertiò , Quia licet aliquando quis  
sibi persuadeat, se in Meditatione eam  
quam desiderat,quæque necessaria est,  
consecutum esse animi dispositionem;  
cùm

cum tamen electio iam vicina & quasi proxima videtur executioni , tum occurunt difficultates, & voluntas, quia obliqua & consultationis tempore non bene disposita est , turbas & tenebras intellectui offundit : & si nihilominus intellectus recte iudicet , summam tamen voluntas percipit difficultatem , vt illi se resolutioni conformet ; vnde summæ & graues anxietates , tædia & spiritus agitationes prouenire solent.

Vt autem exercitanti se in hac suâ oppressione succurratur, præscribit varia S. Pater noster media Meditacionum, præparationum, temporis & modi eligendi: quia sicut is cui à Medico medicina aut purgatio præscripta est , primò disponitur per sirupos & iulapia, & ad hoc tempus captatur conueniens , quod non sit in coniunctione aut aspectu aliquo lunæ tristiore , apponuntur ei boni odores & confortantes ; & hæc omnia necessaria sunt , ne turbentur humores: idem planè dicendum est de die , quo quis se in difficultate

ficii aliquo & magni momenti negotio resoluere debet, præcipue si id inclinationi naturali & affectui contrarium sit. facilia enim & ordinaria cum minore apparatu resoluuntur.

Porrò in talibus electionibus difficultioribus, debet quis Primò considerare tempus; quod est, ne concludat, cùm se turbatum aut passione aliquâ irretitum sentit; quia eiusmodi conclusiones, eo tempore quo affectus aliquius tristitiaë aut iracundiæ dominantur factæ, felicem nequeunt habere successum: ideo exspectandum est tempus diuinæ illustrationis; vel saltem tempus sit serenum & pacatum, & quo animæ potentiaë sint liberæ & expeditæ, vt quamque rem æquâ lance expendant pro rationibus quæ se offerrunt pro & contra; vt colligitur ex eo quod S. Pater noster dicit de tempore electionis.

Secundò, cauendum, ne desit tempus ordinarium Meditationi de vita Christi Domini, sed Exercitia de ele<sup>c</sup>tione

Etione diuersas occupent horas : quia illæ de Christo Meditationes sunt velut confortatiua & boni odores quibus cordis sustentatur vigor , & succus devotionis conseruatur. Si enim totum tempus eo die impenderet Exercitio electionis , citò se aridum perciperet, deficeretque.

Tertiò , & præcipue , curandum est, ut ille qui eligit, benè sit dispositus & præparatus ; ad quod eum iuuabunt quatuor Exercitia , quæ in hac Septimanâ aliis Meditationibus mixta inueniuntur. Primum, de Regno Christi , secundum , de duobus vexillis ; tertium, de tribus hominum classibus; quartum , de tribus humilitatis gradibus : & hæc sunt velut quatuor electuaria , quæ suauiter animam disponunt ad veram & solidam electionem sine aliquâ anxietate faciendam.

Vt autem hoc benè intelligatur , sciri debet, quòd ea sit bona hominis dispositio ad electionem benè faciendam, quando perfectè resoluit , & decreuit fugere

fugere quod apertè malum est, & quod constat esse melius, sequi; hoc enim, ut diximus, non cadit in electionem. Ut quis primum obtineat, conuenit scire, quòd ad fugienda mala dirigantur omnia Exercitia primæ Septimanæ; & ad secundum obtinendum, quod est, omnia amplecti quæ manifestè meliora sunt, dirigantur quatuor illæ, de quibus suprà, Meditationes secundæ Septimanæ: quia in primâ, quæ est de Regno Christi, excitatur firma Christum sequendi voluntas; & illa paulatim in aliis tribus magis & magis perficitur, ut suo loco videbimus.

### M E D I T A T I O D E D V O B V S V E X I L L I S.

**H**oc die fiet hæc de duobus vexillis Meditatio; quam S. Pater noster in suo Libro ponit pro quarto die Septimanæ secundæ.

K                   Textus

Textus Exercitiorum S. Patris nostri  
sic habet:

*Quarta die fiet Meditatio de  
duobus vexillis. Uno quidem  
IESV CHRISTI optimi no-  
stri Imperatoris, altero verò  
Luciferi, hostis hominum ca-  
pitalissimi.*

ORATIO PRAEPARATORIA  
fit secundùm morem.

**P**RAELVDIVM PRIMVM  
erit historica quædam consideratio  
Christi ex vnâ parte, *et* ex alterâ Lu-  
ciferi; quorum uterque omnes homi-  
nes ad se vocat, sub vexillo suo con-  
gregandos.

**S**ECUNDVM est ad constru-  
ctionem loci, vt repræsentetur nobis  
campus amplissimus circa Ierosoly-  
mam;

ri  
m  
-  
rò  
z-  
A  
M  
io  
-  
i-  
-  
L  
is  
-  
;i  
mam; in quo Dominus IESVS CHRI-  
STVS, tamquam bonorum omnium  
summus Dux, assistat. Rursum alter  
campus in Babyloniam, ubi se Lucifer  
malorum & aduersariorum ducem ex-  
hibeat.

TERTIVM ad gratiam peten-  
dam illud erit, ut poscamus explora-  
tas habere fraudes mali ducis, inuo-  
catâ simul diuinâ ope ad eas vitan-  
das; veri autem optimique Imperato-  
ris Christi agnoscere mores ingenuos,  
ac per gratiam imitari posse.

PVNCTVM PRIMVM est,  
imaginari coram oculis meis, apud  
campum Babylonicum ducem impio-  
rum in cathedrâ igneâ & fumosâ se-  
dere, horribilem figurâ, vultuque ter-  
ribilem.

SECUNDVM est, aduertere  
quomodo conuocatos demones innu-

K 2                   meras

meros per totum orbem spargat ad nocendum, nullis ciuitatibus & locis, nullis personarum generibus immunitibus relictis.

TERTIVM, attendere cuiusmodi concionem habeat ad ministros suos, quos instigat, ut, correptis iniciisque laqueis & catenis, homines primùm trahant (quod ferè contingit) ad cupiditatem diuiiarum, vnde postea facilius in mundani honoris ambitionem, ac demum in superbiae barathrum deturbari queant.

Atque ita tres sunt præcipui tentationum gradus, in diutiis, honoribus, & superbâ fundati: ex quibus in alia vitiorum genera omnia præceps fit decursus.

Similiter ex opposito considerandus est summus optimusque noster Dux & Imperator Christus.

PVN-

PVNCTVM PRIMVM erit,  
conspicari Christum in amœno campo  
iuxta Ferusalem , humili quidem  
constitutum loco, sed valde speciosum  
formâ, et aspectu summè amabilem.

SECUNDVM autem est , spe-  
culari quo pacto ipse mundi Dominus  
uniuersi electos Apostolos , discipulos  
& ministros alios per orbem mittat ;  
qui omni hominum generi , statui et  
conditioni doctrinam sacram ac saluti-  
feram impertiant.

TERTIVM, auscultare concio-  
nen Christi exhortatoriam ad seruos  
& amicos suos omnes in opus tale de-  
stinatos , quâ eis præcipit ut iuuare  
studeant quemlibet , ac primò inducen-  
dum current ad spiritualem affectum  
paupertatis, & insuper ( si diuini ob-  
sequij ratio & electio cœlestis eò ferat )  
ad seclandom actu ipso veram pau-

K 3      per-

pertatem ; deinde , ut ad opprobrij  
contemptusque desiderium allicant ,  
vnde humilitatis virtus enascitur .  
Et ita tres consurgunt perfectionis  
gradus , videlicet paupertas , abiection  
sui , atque humilitas , que ex diametro  
diuitiis , honori , & superbiæ opponun  
tur , ac virtutes omnes statim intro  
ducunt .

Colloquium postea formandum erit  
ad Virginem beatam , implorandaque  
est per eam à Filio gratia , ut recipi  
possim , & manere sub vexillo ; idque  
primò per spiritualem tantum pauper  
tatem , aut etiam in rerum exspolia  
tione sitam ( si quidem ad eam me vo  
care atque admittere dignabitur ) de  
inde per abiectionem quoque seu igno  
miniam , ut ipsum imiter vicinius , de  
precando tamen culpam aliorum , ne  
contemptus mei tam in alicuius detri  
-

mentum

*mentum quām in offendam Dei cedat.  
Terminabitur primum hoc colloquium  
per Ave Maria.*

*Secundum colloquium ad Christum  
hominem dirigitur, ut mihi à Patre  
impetret illud idem; subdeturque in  
fine Oratio, Anima Christi.*

*Tertium ad Patrem, vt annuat  
petitioni, cum Pater noster.*

Finis huius Meditationis est, suppo-  
fitâ voluntate, quam in primâ Medi-  
tatione excitauiimus, sequendi Chri-  
stum Dominum nostrum, scire, in qui-  
bus rebus particularibus illum imitari  
debeamus; & posito quòd nos ad bel-  
lum vocet, scire, in quibus rebus &  
cui debeamus bellum indicere. Hoc  
nos docet S. Pater noster sub similitu-  
dine duorum Ducum, & duorum ve-  
xillorum: quia, vt erat miles, in milita-  
ribus semper exercitiis educatus, hoc  
ei sic reuelauit, eumque docuit Deus  
Dominus noster per istam allegoriam.

K 4                  sub

sub nomine Ducum , militum, exercitus, & vexillorum. Et, sicut ipse postmodum retulit ( & ex eius ore referre solet P. Euerardus Mercurianus quartus Præpositus Generalis) in isto Exercitio detexit & reuelauit ei Deus totam ideam,institutum & finem nostræ Religionis , & nomen quod assumere deberet SOCIETATIS IESV, id est, militum qui sub vexillo Christi Domini nostri contra Luciferum , Dei nostrumq; capitalem hostem, militaturi erant. Illa similitudo præterea valde opportuna est ad detegendos contrarios spiritus qui intra nos pugnant, primamque nobis ingenerandam lucem pro discretione spirituum necessariam ; hoc est, ut distinguamus inter bonum & malum; ut huic resistamus, & illi obediamus, ac sequamur.

In PRIMO PRAELVDIO loco historiæ ponatur

Primò, Quòd sint duo Duces, quorum alter est Christus Dominus noster, summus Imperator & Dux noster;  
alter

alter est Lucifer, capitalis humanæ naturæ hostis : inter quos tanta est differentia, quantam ipse Christus declarauit Ioan. 10. *Fur non venit nisi ut furetur, & mactet, & perdat ; ego veni ut vitam habeant, & abundantius habeant.*

Secundò , Quòd duo isti Duces, vnus tam amicus , & alter tam hostis noster , inter se habeant bellum , non pro ciuitatibus , nec castris, nec regnis terræ , sed pro homine , & super iure quod vterq; in illum sibi vindicat, hoc est pro me ; vter eorum maius imperium in me sit habiturus.

Tertiò, Quòd duobus illis Ducibus talis sit de homine pugna , quâ non violenter eum subigant , sed allicant trahantque voluntatem: & ideò IESVS CHRISTVS Dominus noster omnes suâ vocatione & secretis suis inspirationibus vocat & allicit , vt se suo vexillo subiificant,& Lucifer eodem modo eos sub sua signa vocare conatur. Et tandem , ista est huius historiæ summa , quòd singuli Duces hominem vocent

K 5 indu-

inducantque , vt liberè sibi se subiiciat  
obediatque.

In SECUNDO PRÆLUDIO nihil est  
peculiare , nisi quod S. Pater noster ,  
quod locum det istis duobus exerciti-  
bus & vexillis , campum Ierosolymita-  
num exercitui bonorum militanti sub  
vexillis Christi Domini nostri attri-  
buerit , & campum Babylonicum ex-  
ercitui malorum sub signis Luciferi :  
quia S. Scriptura solet assignare ciuita-  
tem Ierosolymitanam bonis , & Baby-  
lonicam malis.

In TERTIO PRÆLUDIO continetur  
finis totius huius Meditationis , qui  
consistit in eo , vt à Deo Domino no-  
stro obtineat quis donum discretionis  
spirituum bonorum & malorum , &  
vires , quod malis bellum indicat , & bo-  
nis obediatur : & hac ratione tertium hoc  
Præludium conuenit cum titulo , quem  
S. Pater noster præfigit Regulis disre-  
tionis eorum , vbi sic dicit : *Regulae*  
*aliquot ad motus animæ , quos diuersi ex-*  
*citant spiritus , discernendos , ut boni*  
*solum*

*solum admittantur, & pellantur mali.*

Meditatio habet duas partes; una est de vexillo Luciferi, & secunda de vexillo Christi Domini nostri: & quæque pars habet tria Puncta quæ sibi inuicem respondent.

### PRIMA PARS *Meditationis.*

**P**RIMVM PVNCTVM. Formanda imaginatio de Lucifero cum omnibus circumstantiis quæ h̄ic notantur. Primo, Quod sit in campo Babylonico. Secundo, Quod ascenderit ad altiorum cathedram. Tertio, Quod ea cathedra plena sit igne. Quartus, Quod ex eâ prodeat multum fumi. Quinto, Quod sit figurâ horribilis, vultuque terribilis. Ista enim sunt signa quæ ad eius nos cognitionem ex vultu perducant, & ut nobis ab eo cauere possimus: & hæc eius imaginatio multum proderit ad eius tentationes & suggestiones discernendas; qui finis est huius Exercitij.

SE-

SECUNDVM. Notatur h̄ic sollicitudo & media quibus dæmon utitur ad finem suum consequendum, ministros suos mittendo ad omnes mundi plagas; monens ne vlli loco aut alicui hominum generi parcant. Et sic totum hunc mundum considerabimus, sicut eum vidit sanctus Antonius, plenum laqueis, retibus & venatoribus; plenum viis lubricis, quæ sunt occasionses multæ lapsuum, plenumque tentatoribus, qui omnes artes adhibent, nullâ prætermissâ: vnde tanta hominum cæcitas prouenit, & tot lapsus, vt nullus ab hominum conuersatione tam remotus aut secretus sit, nec vlla tam spiritualis persona, quæ temptationibus obnoxia non sit. Primum ergo Punctum nobis insinuat hostis nostri conditionem, qui est ferox & crudelis, qualis est leo; & Secundum, quod non sit instar leonis, qui satur se componit ad dormendum, sed instar esurientis, qui præ fame quasi rabidus rugiat, circumeatq;  
quæ-

quærens quem deuoret: quod totum debet in nobis excitare vigilatiam & prudentiam, secundum Apostoli monitum 1. Petr. 5. *Sobrij est ote, & vigilate; quia aduersarius uester diabolus tamquam leo rugiens circuit, querens quem deuoret, &c.* Hæcque vigilantia nobis seruire debet ad cautelam, ne nimium quibusuis occasionibus externis fidamus, nec omni spiritui, quo intus mouemur, credamus; attentè intentiones dæmonum examinantes, quò ab iis nobis caueamus, ne culpâ nostrâ & incuriâ in tentationem intremus, vt Saluator monet: *Vigilate, & orate, ut non intretis in temptationem.*

In TERTIO PVNCTO nobis propnuntur cum distinctione res, ad quas per se & suos ministros nos dæmon allicere conatur; quæ sunt tres, amor diuitiarum, & honoris, & superbia.

Vnde nota ordinem quem dæmon in tentando seruat: incipit enim plerumque à concupiscentiâ diuitiarum, tamquam à re proximè coniunctâ necessitatî

cessitati corporis & obligationibus domus & familiæ. Secundus gradus est, honor vanus ; quia si quid ex bonis sustentationi personæ familiæque supersit, statim oculos coniiciunt in amplificandum statum augendamq; familiam, & honores, quò totum quod residuum est expendatur, ita vt nihil sibi aliisque supersit . Et vt tales quotidie sibi imaginantur maiorem familiæ honorumque amplitudinem, ita nullæ eis sufficiunt diuitiæ; sicque cum prouentu crescit concupiscentia , & à primo secundoque vitio gradum faciunt ad tertium, nimirum superbiam. Non enim in id quod sunt oculos coniiciunt, sed in id quod habent , aut habere putantur ; & suæ exiguitatis statusque prioris oblii , tantos se esse putant , quæ sunt diuitiæ & honores : hinc se magni faciunt , & ab aliis maiores quam sunt haberi volunt ; & inordinate appetunt propriam excellentiam, quæ vera & genuina est superborum conditio.

Secun-

Secundò nota, quòd ex hoc indebito diuitiarum, honoris & propriæ excellentiæ amore oriantur reliqua vitia, ad quæ, quasi per catenam, hisce mediis nos dæmon pertrahere conatur. Ex diuitiarum enim appetitu ordinariè proueniunt fallaciae, deceptiones, furtæ, violentiæ, periuria, & omne iniustiarum genus. In personis spiritualibus, & Deum timentibus, prouenit cordis inquietudo, qualis est eius qui inter spinas versatur, siccitas in oratione, durities & defectus compassionis pauperum. In Religiosis oritur desiderium rerum curiosarum & superfluarum, proprietates, lautæ tractationes, amicitiæ vanæ cum sœcularibus, quò ab iis impetrent quod appetunt; dissimulationes & mendacia cum Superioribus, ne detegantur, amaritudines & murmurationes contra eos quando hæc impediunt, &c.

Amor honoris producit iactantiam, hypocrisin, ambitum officiorum & habitationis honoratioris, horumque inquis

inquis artibus procurations, adulatio-  
nes cum iis qui ad hæc multum iuuare  
possunt, contemptum & detractiones  
de æqualibus & competitoribus, dispu-  
tationes, contentiones, discordias & no-  
uitates, &c. Ex superbiâ oritur cæcitas  
intellectus, durities iudicij, pertinacia in  
suo sensu, inobedientia erga Superiores,  
præsumptio de seipso, otium, tædium  
in sui recollectione, vanæ loquelæ, euag-  
gationes in oratione, amor & æstimatio  
rerum præsentium, & gustus in volu-  
ptate carnali; ita, vt Deus frequenter  
occultam aliquam superbiam manife-  
sto peccato luxuriæ puniat.

Ex dictis sequuntur duæ Regulæ,  
quò quis faciliùs in notitiam veniat  
tentationum dæmonis; & sunt quasi  
prima documenta discretionis spiri-  
tualis.

Prima est ex parte rei ipsius, quando  
nempe sentimus nos moueri & incli-  
nari ad amorem diuitiarum, honoris &  
propriæ excellentiæ; vel ad aliud ali-  
quod vitium, quod ex illis tamquam  
ex

ex radice nascitur: quia illa sunt ad quæ  
dæmon nos inducere conatur , vt in  
tertio Puncto benè notatur ; & tunc  
tentatio est magis manifesta.

Secunda Regula est ex parte modi,  
cùm quis experientiâ percipit, eiusmo-  
di cogitationem turbationi causam  
dare, animoqué anxietatem, diffiden-  
tiam & obscuritatem offundere : tales  
enim fructus in animâ à dæmonis sug-  
gestione produci solent. Nam vt ex  
vocis & modi loquendi tono clarè  
percipimus, an is qui loquitur, in hu-  
mili an alto sit loco , an iracundus ac  
furiosus, an suavis aut pacatus , &c.  
sic ex affectibus illis quos anima sentit,  
facilè colligitur , quòd illi à Duce su-  
perbo, feroci, terribili, qui ex cathedrâ  
suâ eleuatâ non spirans nisi fumos &  
ignes loquitur, proueniant.

SECUNDA PARS *Meditationis.**De vexillo Christi Domini nostri.*

**E**adem tria Puncta econtrariò nobis sunt consideranda de Christo Dominô nostro, summo & vero Duce.

In PRIMO PUNCTO formanda in nobis ipsis imago Christi Saluatoris nostri, cum proprietatibus suis & conditionibus, ut h̄ic dicitur. Primò, Quoad locum, *in regione Ierusalem*; quod significat pacem, & repræsentat Ierusalem cælestem, quæ est ciuitas Dei. de qua dicitur: *Gloriosa dicta sunt de te ciuitas Dei.* Secundò, In campo magno, plano, aperto & patetissimo cælo; quod significat lucem, hilaritatem, & latitudinem cordis. Tertiò, In loco humili, dispositione & vultu demisso, qui omnem tollit horrorem & timorem, & ad familiarem conuersationē inuitat, omnemq; spondet mansuetudinem & affabilitatem. Quartò, Quoad eius personam, speciosus, gratiosus, vultu amantis,

mantis , quiq; amari meretur. Et tandem, vt Sponsa dicit, *totus desiderabilis.* Ex illis enim circumstantiis sensibilibus loci & personæ, via nobis aperitur ad notitiam ingenij & conditionis Christi Domini nostri, nobisque eius doctrina sanctæq; inspirationes innotescunt.

In SECVNDO PvNCTO consideranda electio Apostolorum , Concionatorum & aliorum Euangelij ministrorum , quos Saluator paulatim, variisq; temporibus , vocat, & per vniuersum mundum distribuit, inspirando in corda flaccidorum mortalium cogitationes Apostolicas animosq; , quò parentes, patriam, diuitiasq; & amicos relinquentes , penetrant vsque ad ultimos terræ fines, & per montes & filuas velut venatores homines quærant, eosque è suis antris & cauernis educant, vt Euangelij lumine illustrati, in sui Creatoris cognitionem veniant. Hinc nullus est in toto orbe angulus ita desertus , nec gens tam barbara , quò hæc Christi Domini nostri notitia eiusque doctrina

na non peruerterit. *In omnem terram exiuit sonus eorum, &c.*

TERTIVM PVNCTVM continet doctrinam, quam Christus Dominus noster suis illis Ducibus inculcat, quā homines ad sanam mentem perducant: hanc S.Pater noster ad tria Puncta contraria iis quæ dæmon hominibus persuadet, mundusque docet & exercet, reducit; quæ sunt, primò, Paupertas, opposita diuiniis; secundò, Opprobria & contemptus, opposita honori mundo; tertio, Humilitas, contraria superbiæ.

Circa quæ NOTANDVM PRIMO, Quod in hoc Exercitio fundata sit doctrina ea, quam sanctus Pater noster tam grauiter & cum tantâ emphasi intrantibus in SOCIETATEM proponit in cap.4. Exam. à §.34. usque ad Capituli finem: quæ vocari potest Admirabilis huius Exercitij commentarius. Ex hoc enim Exercitio, sicut dictum est, prodidit forma SOCIETATIS; quæ fundata est in odio, non ex parte, sed

sed patefacto, & omnium quæ mundus amat & amplectitur, admittēdo & totis viribus concupiscendo, quidquid Christus Dominus noster amauit & amplexus est: & qui in hoc non collimat, aut incumbit, vel qui tam feruentia desideria non habet, vel saltem habere non desiderat, apud se non statuens, nec paratum se ostendens ad ferendas cum diuinâ gratiâ patienter quasuis iniurias, illusiones, opprobria, aliaque quæ Christi Domini nostri vestis & insignia includunt; iste, inquam, qui vestem eam sui Domini non æstimat, dici non potest istum Ducem sequi, neque de istâ esse cohorte.

NOTANDVM SECUNDO, Quod tres illi perfectionis gradus inter se sunt coniuncti & quasi concatenati, ut de tribus contrariis diximus; & ex iis, tamquam ex radice, ceteræ virtutes oriuntur. Primo enim debemus omnes vniuersaliter iuuare, adducendo illos ad summam paupertatem spiritualem, hoc est, ad reiiciendum à se

L 3 diui-

diuitiarum amorem , earumque aestimationem ; vnico quasi ictu concupiscentiam , quae omnium malorum est fons, ex animo praescindendo. & tunc verum & perfectum esse odium illud diuitiarum sciemus, quando re ipsâ illas deserere paratos nos sentiemus , si eam Dei fore voluntatem intelligemus; ita ut, eas actu non deserere, non tam à nostrâ quam à diuinâ voluntate procedat.

Ab hoc gradu ascenditur ad secundum, qui est contemptus honoris: quia animus omnis ac impetus , quo ferimur in honorem mundanum, nascitur ex pecuniâ ; & pecuniæ gratiâ homines in aestimatione sunt, multorumque lucrantur amicorum & adulatorum turbam . Proverb. 14. *Etiam proximo suo pauper odiosus erit : amici vero diutum multi.* Et hinc quando quis diuitias contemnere decrevit , eadem operâ honores contemnere decernet : deficiente enim pecuniæ huius quasi sanguine , remanebit obscurus & quasi in

in angulo, sine vigore, & vilis.

Hinc ad tertium gradum ascendi-  
tur, qui est Humilitas, quâ clarè quis  
cognoscit, iterumque cognoscit suam  
paruitatem: & cùm in bonis temporá-  
libus ita sit pauper, oculos aperit, quò  
eam suam paupertatem clarè videat, &  
tum se talem æstimat qualis reverà est,  
& non qualem eum homines fingunt.

Ex tribus illis gradibus reliquæ or-  
iuntur virtutes. Ex amore enim pau-  
pertatis prouenit pax, animi quies, fi-  
ducia in Deum in temporalibus ne-  
cessitatibus, & conformitas cum diui-  
nâ voluntate in honorum iacturâ, re-  
rumque infaustis successibus: item  
animus libenter tam facultatum sua-  
rum quam etiam lucrorum faciendo  
iacturam, nolendiisque ea cum periculo  
diuinæ offensionis acquirere; neque et-  
iam litigandi, sed potius pallium pe-  
tentí etiam dandi tunicam, egentibus  
libenter sua communicandi, petenti  
commodandi, debitoribus tempus sol-  
uendi commodum concedendi.

L 4                    Hinc

Hinc etiam oritur, quod qui ad maiorem perfectionem vocati sunt, sua vendant bona, eaque dent pauperibus, nec querant superflua, nec curiosa, sed contenti sint exspectatione panis quotidiani a Deo; & gaudeant, si aliquos paupertatis effectus aliquando experiantur, libenter indigentiam rerum etiam necessiarum, siquando ea se occasio offerret, ferendo: *In fame, siti, frigore, & nuditate*, &c.

Ex amore contemptus & iniuriarum prouenit, quod quis loco & officio humili recreetur, non querendo primas cathedras in Synagogis, nec salutaciones honoresque in foro, nec accubitus primos in mensis tempore conuiuij, nec quod quis velit ab hominibus vocari Magister. Oritur etiam patientia in iniuriis, disponendo se ad grauiores, & promptitudo in ignoscendo aliosq; honorando, & eos omni benevolentia & honore praeueniendo. quæ omnia sunt Consilia Euangelica. Si autem quis iniurias amare debeat, multò magis

gis errorum reprehensionem ac corre-  
ctionem, eos non inficiando, non abs-  
condendo, non excusando, &c.

Humilitatem sequitur gratiarum  
actio, mansuetudo, iudicij submissio.  
Nolle disputare, vel suum iudicium  
mordicus tueri, nec contendere, aper-  
tum esse in reddendâ conscientiæ ra-  
tione, cum Superiore & Patre spirituali  
sincerè agere, libenter petere & admit-  
tere fana consilia, amare silentium,  
nolle innotescere, & omni modo quid-  
quid in oculis hominum splendoris  
aliquid habet occultare. Hæc & si-  
milia continentur in Saluatoris nostri  
doctrinâ, & quæ suis Ducibus com-  
mendat, quò ea hominibus tradant,  
eosque per illa iuuent.

Hinc etiam resultant duæ aliæ Re-  
gulæ discretionis, quò quis in perfe-  
ctam inspirationis diuinæ notitiam ve-  
niat. Prima, ex parte rerum: si enim  
ab aliquâ ex supradictis nos moueri  
percipiamus, possumus nobis persua-  
dere eam esse inspirationem diuinam.

L 5

Se-

Secunda, ex parte modi: quia quando cogitatio illa animi quietem, suavitatem, gaudium, lucem & fiduciam adfert, indicia ea sunt boni spiritus. Cùm enim Christus Dominus noster tamen sit pacificus, tamq; speciosus & suauis, & in loco demissio & tam humili sedeat, non potest nobiscum nisi familiariter loqui, omni nos gaudio & suauitate perfundens. Huc pertinet, congruenter Punctis iis & regulis, quas iam declarauimus, vt quisq; suas cogitationes motusque internos examinet, sicq; Ducis sui & aduersarij vocem interius agnoscat, quò clare, sub cuius signis militet, videre possit.

In hoc Exercitio fiunt tria colloquia: primum ad Virginem Dominam nostram; secundum ad Christum Dominum nostrum; tertium ad Patrem æternum. quorum primâ vice fit mentio in Repetitione primæ Septimanæ. Et eadem tria colloquia fieri debent in omnibus Meditationibus sequentibus, toto tempore quo aliqua electio durat:

rat : tum enim occurrere solent tot difficultates , vt necesse sit hisce colloquii affectum excitare, & maximè intercessione B. Virginis Dominæ nostræ sibi consulere.

Materia petitionis est supplicatio, quâ petimus ad vexillum Christi Domini nostri admitti , vocem eius audiendo , eamque in duobus præcipue executioni mandando ; primò, in summâ paupertate spirituali & actuali ; secundò , in ferendis iniuriis & infamiâ, vt Dominum nostrum quâm proximè sequamur.

In primo, quoad paupertatem actualem ponitur conditio, si diuinæ nempe suæ Maiestati placuerit ad istud vitæ genus eumque paupertatis gradum me vocare , integrum eius determinacionem in tempus electionis reseruando; vt suprà dictum est.

In secundo , quoad iniurias ponuntur duæ conditiones. Prima, vt ego illud , quantum in me est , desiderium habeam , optando vt nullius hoc cul-  
pâ,

pâ, aut cum diuinæ Maiestatis offensâ fiat. Secunda, ne ego iustum iis iniuriis dem occasionem. Quod etiam dicitur in Examine cap. 4. §. 44. vnde, sicut dictum est, hauritur eadem illa huius Exercitij doctrina.

## SEXTVS DIES.

*De reliquis Exercitiis secundæ  
Septimanæ.*

**M**irabilis est modus quem S. Pater noster seruat, vt nos quasi manus ducat in hac secundâ Septimanâ ad summum perfectionis; de quo, vt aliquid de eo intelligamus,

NOT EMVS PRIMO, Quòd eius intentione sit, vt exercitans disponat se ad sequendū Christum Dominum nostrum tamquam verum suum & legitimum Regem, à quo ad bellum illud cum hostibus suis ineundum amicè inuitatur. Deinde, vt firmiter proponat eum sequi in maximis periculis & laboribus;

verbi